

第三冊 (全十冊)

■

■

■

國家圖書館出版社

《國語》研究文獻輯刊

宋志英 選編

《國語》研究文獻輯刊

A3026109

K225.04

S88b

3

第三冊

《國語》
研究文獻輯刊

國家圖書館出版社

第三冊目錄

國語正義二十一卷（卷一—卷八）（清）董增齡撰

序	三
卷一	一三
卷二	一三三
卷三	二二三
卷四	三八一
卷五	四五九
卷六	五四七
卷七	六一五
卷八	六六五

國語正
義二十
一齋

光緒庚辰冬會稽
章氏式訓堂開雕
福山王懿榮署端

國語正義序

歸安董增齡撰

太史公自序左丘失明厥有國語漢書藝文志國語二十一
十一篇左丘明箸漢儒之說彰矣隋劉光伯唐陸淳柳
宗元始有異議摭拾異同毛舉細故後人遂指魯語皇
華五善語言六德文與左違內傳謂魯哀十七年楚滅
陳魯哀二十二年越滅吳外傳謂吳既滅之後尙有陳
蔡之君執玉朝越黃池之會內傳先晉人外傳先吳人
周語自穆王至幽王鄭語獨載桓武而莊公以下無聞
皆春秋以前事以傳會劉柳之說然宏嗣明言國語之

作其文不主於經則固不必以經爲限矣至內外傳同
出一人而文有異同試以史記例之鄭世家以友爲宣
王庶弟年表又以友爲宣王母弟黃池之會晉世家謂
長吳吳世家又謂長晉遷一人之說其不同如此至內
傳則成十六年苗賁皇曰請分良以擊其左右而三軍
萃于王族襄二十六年聲子述苗賁皇曰吾乃四萃於
其王族是左氏各承晉楚兩史舊文慎以闕疑不敢參
以臆斷也又成十六年塞井夷竈二語屬之士匄襄二
十六年又屬之苗賁皇內傳一書如此又何疑外傳內
傳之有參差乎班氏藝文志言公羊傳十一卷公羊外

傳五十篇穀梁傳十一卷穀梁外傳二十一篇則作傳者必有外傳以曲暢其支派國語之爲左氏外傳正同一例公穀二家外傳已逸安知彼之外傳不與其內傳亦有牴牾乎故宏嗣斷以爲出左氏之手內傳之出獻自北平侯張蒼外傳不知何時始出賈子新書禮容下篇載單靖公單襄公事皆采國語則國語之出亦當在漢文帝之世儒林傳載賈生治春秋左氏傳今又兼述國語則賈生亦以內傳外傳之同出左氏也班氏藝文志旣載國語二十一篇又載新國語五十四篇劉向所分則漢時國語有兩本今所傳二十一篇與班志合然

公羊疏第六卷引國語曰懿始受譖而烹哀公公羊疏
第二十一卷引國語曰專諸膳宰僚嗜炙魚因進魚而
刺之史記夏本紀裴駟集解引國語曰敷淺原一名博
陽山在豫章水經河水注引國語曰華岳本一山當河
河水過而曲行河神巨靈手盪腳蹋開而爲兩今掌足
之跡仍存水經瓠子河注引國語曰曹沫挾匕首劫齊
桓公返遂邑史記補三皇本紀索隱引國語曰伏犧風
姓夏本紀正義引國語曰滿於巢湖鄒魯列傳索隱引
國語曰楚人卞和得玉璞禮祭法疏引國語曰神農之
子名柱作農官因名農文選東京賦注引國語曰分魯

公以少帛綰枝文選盧諶贈劉琨詩注引國語曰齊大
夫子高適魯見孔子曰而今而後知泰山之爲高淵海
之爲大也今本皆無之則逸者不少矣然裴駰引敷淺
原一條酈道元引華岳一條文選注引子高一條其文
與國語絕不類議者疑之齊語一篇皆管子小匡篇之
辭管子遠出左氏之前必不預知國語之文而襲之竊
疑齊語全亡而後人采小匡以補之與說者又謂越語
下卷疑非國語本文其與他卷不類又國語敘事雖不
盡有年月然未嘗越次今上卷已書越滅吳下卷復從
句踐卽位三年起他國無此例內傳無范蠡姓名外傳

止吳語一見在五大夫之列旅進旅退而已至此卷乃
專載蠡策若滅吳之事蠡獨任之者殊非事實藝文志
兵權謀有范蠡二篇此殆其一但攬入當在劉向以前
齡案孔晁本二十卷則第二十一卷孔博士已不信其
國語真文矣宋公序補音本及天聖本兩家並行近曲
阜孔氏所刻用補音本今兼收二家之長而用補音本
者十之七八云爲之注者有漢鄭眾賈逵魏王肅吳虞
翻唐固韋昭晉孔晁七家今唯韋解尙存然已間有逸
者如禹貢疏引韋解云以文武侯衛爲安王賓之因以
爲名文選東京賦注引韋解云綺棧大赤也今本皆無

之鄭注則他書徵引者僅有數條其餘四家賈王虞唐除章所引外則史記集解索隱正義詩疏周禮疏春秋左傳疏公羊疏徵引爲多孔出章後亦見於諸疏及史記注今皆采掇以補宏嗣之義章解孤行天壤間已千五百餘年未有爲之疏者竊意許叔重鄭康成兩君爲漢儒宗主自三國分疆而儒學爲之一變宏嗣生於江南擾攘之秋抱闕守殘視東漢諸儒已非其時矣其所解固援經義而與許鄭諸君有未翕合者依文順釋義有難安況墨守一家之說殊非實事求是之心用是采擷諸經舊說間下已意非求爭勝于青藍不敢面諛夫

鹿馬檢楊氏穀梁正義間與范氏之注語具抑揚則知
疏不破注之例古人亦所不拘今銓釋韋解之外仍援
許鄭諸君舊詁備載其後以俟辯章譬導水而窮其源
非落葉而離其根也韋解體崇簡潔多闕而不釋史記
集解索隱正義及應劭如淳晉灼蘇林顏師古等家漢
書注章懷太子後漢書注凡於馬班正文采取國語者
各有發揮或與韋解兩岐或與韋解符合同者可助其
證佐異者宜博其旨歸並采兼收以滙古義鎔鼓不同
音而皆悅耳茶火不同色而皆美觀也國邑水道以漢
地理志後漢續郡國志爲主而參以水經注元和郡縣

志杜氏通典諸家并列我

朝所定府廳州縣之名庶覽者瞭然至於宮室器皿衣裳之制度則孔賈諸疏具存止擷簡要不事詳敘唯是賦性顓愚疎于搜討況草茅孤陋旣不獲闕秘府鴻章廣資聞見又不獲交四方碩彥共得切磋固蔽是虞未敢自信今年踰四十平日所聞于師友者恐漸遺忘是以就已撰集者寫錄成編奮螭蝦之臂未克當車矢精衛之誠不忘填海歲在闕逢閣茂始具簡編時經五稔草創初成勉出所業就正君子儻披其榛蕪匡其繆誤俾得自知其非庶免飽食終日無所用心之責則重拜

大貺感且不朽矣

序終

國語正義

歸安董增齡撰集

國語敘疏

國語始衰書言周殿以越周何以稱國穆王時周

已兆黍離國風之漸迨平王周鄭交質直言結二國之

信雖號令止行于畿內而爲天周鄭共主故首列焉次魯

重周公之後秉禮之邦也次齊美桓公一匡之烈也次

次鄭其主盟十一世有夾輔之勲且文之伯繼乎桓也次

次吳鄭以其爲重黎之後泰伯之裔不使其迹之湮沒弗

彰焉終漢儒以越見閩蠻強而中夏無伯主春秋亦于是

謂之傳釋名傳傳也以傳示後人外傳蓋內傳與經相隸故謂

也言交午也吾言爲語論也說文繫傳論難曰語者相應

答國語載列國君臣朋友相論語故謂之語爲之解者

漢大司農鄭眾作國語章句漢侍中賈逵作國語解詁

二十一一篇魏中領軍王肅作國語章句一卷吳侍御史

虞翻注國語二十一卷吳中書僕射侍中高陵亭侯韋昭唐固注國語二十一卷晉五經博士孔晃注國語二十卷在宏嗣前鄭司農等五家在宏嗣後者孔晃一家自司農以下諸詁訓並散逸國語注之存于今者唯韋解爲最古黃東發稱其簡潔有體而先儒舊訓亦往往散見其中宏嗣自言兼采鄭眾賈逵唐固虞翻之注今考所引鄭說虞說寥寥數條唯賈說唐說援據駁正爲多今大體依韋解爲正敘者釋名曰敘者杼也杼敘其實宣見之也公羊傳疏敘者舒也舒展已意以次第經傳之義宏嗣述已作解之意故謂之敘也

昔孔子發憤於舊史垂法於素王疏此推國語與左傳

其宗於孔子也杜預春秋序春秋者魯史記之名也周禮有外史掌邦國四方之事達四方之志侯亦各有國史韓宣子適魯見易象與魯春秋曰周禮盡在魯矣吾乃今知周之德與周之所以王韓宣子所見蓋周之舊典禮經也周德既衰官失其守上之人不使春秋昭明赴告策書諸所記注多違舊章仲尼因魯史策書成